

# Reglamaint davart las taxas d'adöver e dals cuosts secundars da las localitats da la Corporaziun evangelica Scuol/Tarasp

as basond sün l'artichel 4 alinea 2, artichel 6 alinea 1 fin 3 da la ledscha davart l'adöver da las localitats e sün l'artichel 5 alinea 1 fin 3 da l'ordinaziun davart l'adöver da las localitats da la Corporaziun evangelica Scuol/Tarasp

relaschè dal consistori als 7 avuost 2009

## I. Disposiziuns generalas

### Art. 1

Quist reglamaint stipulescha las taxas per far adöver da las localitats ecclesiasticas e da l'infrastructura (seguaint localitats) da la Corporaziun evangelica Scuol/Tarasp (seguaint corporaziun) sco eir ils cuosts dal persunal, d'energia, d'administraziun ed oters cuosts (seguaint cuosts secundars) chi naschan a la corporaziun in tal connex.

Object

### Art. 2

<sup>1</sup> Na commembers da la corporaziun respectiv persunas chi nu sun in dovair da pajar impostas obain impostas limitadas a tala pajan per far adöver da las localitats per battaisems, confirmaziuns, nozzas e funarals (seguaint casualias) e per concerts, referats, radunanzas, sairadas ed uschè inavant (seguaint occurenzas) üna taxa d'adöver.

Chomp d'applicaziun  
1. taxa d'adöver

<sup>2</sup> Per exercitar vi da l'orgel chiø rechatta in la baselgia da Scuol (seguaint orgel), vain inchaschada per regla la taxa d'adöver eir da commembers da la corporaziun. Na da pajar tala han l'organista respectiv l'organist da la corporaziun. In cas motivats, per exaimpel pro la promoziun da talents giuvens, po il consistori far excepziuns.

### Art. 3

<sup>1</sup> Na commembers da la corporaziun respectiv persunas chi nu sun in dovair da pajar impostas obain impostas limitadas a tala pajan sper la taxa d'adöver eir ils cuosts secundars.

2. cuosts secundars

<sup>2</sup> Commembers e persunas chi sun in dovair da pajar impostas obain impostas limitadas a tala pajan ils cuosts secundars be per occurenzas chi nun han da chefar cul servezzan divin.

**Art. 4**

Instanza cumpetenta

Ils decasteris da fabrica e da finanzas sun respunsabels per l'execuziun da quist reglamaint. Singulas incumbensas pon ils decasteris da fabrica e da finanzas delegiar al personal da la corporaziun.

**Art. 5**

Relasch taxas d'adöver e cuosts secundars

A persunas natüralas e giuridicas, societats obain organisaziuns sumgliaintas chi praistan lavur in sen dals böts da la corporaziun o chi sustegnan tala activmaing, po il consistori relaschar la taxa d'adöver ed ils cuosts secundars.

## II. Dret fuormal

**Art. 6**

Concepir ils permiss

<sup>1</sup> Il decasteri da fabrica concepischa ils permiss per far adöver da las localitats. Quel surdà üna copcha dals permiss al decasteri da finanzas.

<sup>2</sup> Ad organistas respectiv organists d'otras raspadas obain a persunas chi piglian uras pro üna magistra respectiv ün magister qualifichà per sunar l'orgel, po il consistori dar sün dumanda in scrit il permiss per excercitar vi da l'orgel.

<sup>3</sup> Persunas chi exerciteschan vi da l'orgel han d'avair chüra da tal e da pisserar per uorden sün l'empora. Ellas portan durant il temp chi sun in poses da las clavs dal orgel la respunsabilità per quel.

## III. Dret material

**Art. 7**

Taxas d'adöver per localitats ed infrastruttura

<sup>1</sup> Petents han da pajar seguaintas taxas d'adöver:

- a) per la baselgia da Scuol per casualias opür occurenzas 300.- francs la jada
- b) per nozzas in la baselgia da S-charl 190.- francs la jada, per otras casualias obain occurenzas in quella baselgia 90.- francs la jada
- c) per la sala in chasa da pravenda, Vi, Scuol (seguaint chasa da pravenda) per ün di inter 90.- francs, per ün mez di 60.- francs e fin duos uras 50.- francs
- d) per cuschinar in chadafö da la chasa da pravenda ün supplemoint da 20.- francs pro occurenza. Per lavar giò a man magöls, vaschella, posadas ed uschè inavant nu vain inchaschada ingüna taxa, fintant chi vain pajada la taxa d'adöver per la sala.

<sup>2</sup> Il supplemoint per l'adöver da l'infrastructura importa pro occurenza:

- a) pel orgel 100.- francs

- b) pels armoniums in las baselgias da Scuol e da S-charl 10.- francs per ün
- c) pel palc in baselgia da Scuol 90.- francs (sainza il lavur per metter insembel e dischfar tal)
- d) pel clavazin ad ala in chasa da pravenda 30.- francs
- e) pel beamer 40.- francs, pel radio 5.- francs, per l'apparat da DC 5.- francs, pel apparat da video 5.- francs e pel apparat da projecziun 5.- francs.

<sup>3</sup> La taxa d'adöver per exercitar vi da l'orgel cumprais ils cuosts secundars importa 50.- francs l'ura.

**Art. 8**

<sup>1</sup> Ils cuosts da pajas dal personal importan sper la part dal patrun vi da las sgüranzas socialas, particularmaing las sgüranzas da vegls e relaschats, da dischoccupads, d'accidaints ourdvar l'impraisa e la chascha da pensiun: Cuosts da pajas e secundars

- a) pels spirituals e per l'organista respectiv l'organist l'import tenor las directivas da la baselgia chantunala<sup>1</sup> per la caluostra respectiv il caluoster, la pedella respectiv il pedel 30.- francs l'ura
- b) per ulteriuras agüdantas respectiv agüdants ils cuosts effectivs.

<sup>2</sup> Ils cuosts d'energia sco eir ils cuosts administrativs importan pro occurenza: <sup>2</sup>

- a) per la baselgia da Scuol
  - a. cun s-chodamaint 80.- francs
  - b. sainza s-chodamaint 50.- francs
- b) per la baselgia da S-charl
  - a. cun s-chodamaint 40.- francs
  - b. sainza s-chodamaint 30.- francs
- c) per la sala in chasa da pravenda
  - a. cun s-chodamaint 50.- francs
  - b. sainza s-chodamaint 30.- francs
- d) per la sala in chasa da pravenda cun la chadafö
  - a. cun s-chodamaint 60.- francs
  - b. sainza s-chodamaint 40.- francs

---

<sup>1</sup> vair reglamaint d'indemnisaziun per rimplazzamaints parochials (CLB 815) resp. reglamaint da salarisaziun d'organistas ed organists (CLB 822)

<sup>2</sup> Versiun tenor decisiun dal consistori, dals 31 october 2011, aintra in vigur als 1. schner 2012

**Art. 9**

Inchasch da las  
taxas d'adöver e  
dals cuosts  
secundars

<sup>1</sup> Il decasteri da finanzas fa per regla l'inchasch da las taxas d'adöver e dals cuosts secundars tenor artichels 7 ed 8 da quist reglamaint.

<sup>2</sup> Davo avair cunvgnü cul decasteri da finanzas po gnir inchaschè in cas motivats l'import direct tras il decasteri da fabrica o tras la persuna incumbensada da quel. L'import es da pajar immediatamaing a la corporaziun.

**IV. Disposizuns finalas**

**Art. 10**

Entrada in vigur

<sup>1</sup> Quistordinaziun aintra in vigur retroactiv als 1. schner 2009.

<sup>2</sup> Cull'entrada in vigur da quistø ordinaziun sun abolidas tuot las disposiziuns d'oters relaschs chi stan in cuntradicziun cun quella.